

INUIT ATAQATIGIIT

INATSISARTUNI



28.juli 2014

UKA 2014/40

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nuna tamakkerlugu ikiaroonartoq hash-ip akiorniarneqarnissaa pillugu iliuusissamik pilersaarummik UPA 2015-imi Naalakkersuisut saqqummiussa-qaqqullugit Inatsisartut aalajangiiffigisassaattut siunnersuut.
(Inatsisartunut ilaasortaq Mimi Karlsen, Inuit Ataqatigiit)

Tunngavilersuut

Nunatsinni hash-ip ajornartorsiutaanera maanna ukiorpassuarni ilisimaneqarpoq, akiorniarlugulu iliuseqartartariaqalerluni.

Nalunngilarput inuk ataaseq hashimik ajornartorsiuteqaraangat ilaqutariinnut tamanut, inuiqatigiinnullumi tamanut sunniuttartoq. Sunniutaasullu ajornartorsiutit kinguaariinnut ingerlaqqissinnaasartut nalunngilarput.

Illoqarfinni innuttaasunik, politiinik napparsimavinnilu sulisunik ataatsimiisitsillutalu oqaloqateqartarnitsinni hashimik atornerluinerup annertusilluinnarsimamaneq erserpoq. Allaalu napparsimavinni sulisuniit ikiaroonartumik atuneq pillugu imaattut apuukkusunneqarlutik:

- Meeqkerisut meeqqanik atugarlioraluttuinnartunik nassaartoraluttuinnarput.
- Ikiaroonartumik pinngitsuuisinnaanatik naartusut takussaalerluttuinnarput, meeraannik arsaarinninnerit takussaalerput.
- Ikiarootartut ukiukilligaluttuinnarput, taakkuuppullu ikiarootartunik angajoqqaallit imaluunniit meeraanermanni sumiginnaaganikut ingerlatitseqqisut.
- Angajoqqaat ikiarootartut meeqqat pisariaqartitaannik takunnissinnaannginnerupput.
- Juumuut arnanik naartusunik ikiarootartunik nassaartoraluttuinnarput.
- Venerea kinguaassiuutitigut nappaateqalersartunik ikiaroonartumik atuisunik nassaartoraluttuinnarpoq.
- Psykoterapeutit, oqaloqateqartarnikkut ikiarootartunik nassaartoraluttuinnarput.
- Sulisut akornanni ikiaroonartumik atuisinnaasunik ilisarnaatilinnik pasitsaassinnerit amerligaluttuinnarput.
- Ikiarorneq taamaattussaannartut inuiaqatigiit akornanni isigineqarpassinnera anner-tusigaluttuinnarpoq
- Tarnimikkut napparsimasut inuusussigaluttuinnarput (hash psykose).

Inuup ataatsip, ilaqutariilluunniit hash-mik pinngitsuuisinnaajunnaarnermik nappaateqaraangata sorpassuit sunnerneqartarput. Ilaqutariit napatitsisussamik amigaateqalersarput, suliffeqarfiit sulisuminnik annaasaqartarput aammalu meeqqat toqqissisimanis-saraluinik piiasaqartarluni.

Hash politik-qalissappat kissaatiginartorujussuuvoq qooq aqqutigiinnarnagu misissuisar-nissaq, tassami aamma pasitsaassisoqartalerpoq naartusut angajoqqaalluunniit meeqqaminnik arsaagaanissaminnik ilimasaartittut quumikkut hash-imut misissortik-kaangamik takussaasoqarneq ajortoq, naak sulisuniit ilisimaarineqaraluartoq ikiaroor-tartuusut. Tassa imaappoq namminneq wc-mut kisimiillutik quiartortarput ilimanarsin-naavorlu imermik ilanngikkunikku immaqa imiinnarmik immersimasinnaagaat.

Taamaattumik Hash politikkimik pilersitsisoqassappat allamik periarfissamik ujarlerto-qartariaqarpoq soorlu qanermiit misissugassamik tigussilluni (spytprøve).

Assorsuaq angorusunnassagaluarpog alkohol politikkitulli suliffeqarfinni Hash politik-keqalernissaq.

Ikiaroonartoq assut inuiaqatigiinni initulersimasog akiortariaqarparput. Taamaamat Naalakkersuisut peqquneqarput suliffeqarfinni ilinniartinnilu assigiinngitsuni hash politik-kilioqqullugit, UPA 2015-milu saqqumeeqqullugit.

Pisortanut aningaasaqarnikkut allaffissornikkullu kingunissai.

Suliniutissat pilersaarusernerat aningaasartuutitaqassaaq. Naatsorsuutigineqanngilarli aningaasartuutit ukiumoortumik AC-mut aningaasartuutaasartut sinnerumaarai. Aningaasat Ilinniartitaanermut Naalakkersuisoqarfiup kiisalu Peqqissutsimut Naalak-kersuisoqarfiup massakut missingersuutaanni nassaarineqassapput, suliaq taakku Naalakkersuisoqarfiit suleqatigiillutik suliarisussaammassuk.

Namminersorlutik inuussutissarsiortunut aningaasaqarnikkut allaffissornik-kullu kingunissai.

Namminersorlutik inuussutissarsiortunut aningaasaqarnikkut allaffissornikkullu kingu-neqassanngilaq.

Innuttaasunut aningaasaqarnikkut allaffissornikkullu kingunissai.

Innuttaasunut aningaasaqarnikkut allaffissornikkullu kinguneqassanngilaq.